

1025 n<sup>4</sup>

Skupština Kantona Sarajevo  
Admela Hodžić, zastupnica u Skupštini Kantona Sarajevo  
Sarajevo, 24.03.2025. godine

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo  
n/r predsjedavajućeg



- Vlada Kantona Sarajevo  
n/r premijera

- Ministarstvo finansija Kantona Sarajevo  
n/r ministra

**PREDMET: Amandmani na Prijedlog Budžeta Kantona Sarajevo za 2025. godinu, dostavljaju se**

Na osnovu čl. 151. i 152. Poslovnika Skupštine Kantona Sarajevo podnosim sljedeće amandmane na Prijedlog Budžeta Kantona Sarajevo za 2025. godinu

#### I AMANDMAN

**Umanjuju se sredstva sa sljedećih ekonomskih kodova:  
Kantonalne uprave civilne zaštite Kantona Sarajevo**

- 613900 032F Ugovorene i druge posebne usluge umanjuje se za 20.000 KM
- 614300 UAN002 032F Transfer neprofitnim organizacijama umanjuje se za 130,000 KM
- 821600 UAX011 032F Rekonstrukcija i investiciono održavanje za Upravu umanjuje se za 50,000 KM

**Povećavaju se sredstva na sljedećem ekonomskom kodu:  
Kantonalne uprave civilne zaštite Kantona Sarajevo**

- 614300 UAN004 032F Transferi vatrogasnim društvima povećava se iznos za 200.000 KM

#### Obrazloženje:

Obzirom da Kantonalna uprava civilne zaštite Kantona Sarajevo nije do kraja budžetske 2023. godine reagovala i isplatila Budžetom planirana sredstva vatrogasnim društvima

Kantona Sarajevo i također, u 2024. godini isplatila dio sredstava pojedinim dobrovoljnim vatrogasnim društvima Kantona Sarajevo, ovim amandmanom tražim da Vlada Kantona Sarajevo prihvati ovaj amandman na Prijedlog Budžeta Kantona Sarajevo.

**“Općina i grad odnosno kanton su DUŽNI tom vatrogasnom društvu, odnosno dobrovoljnoj vatrogasnoj jedinici osigurati sredstva potrebna za realizaciju zadataka koji su utvrđeni u tom planu zaštite od požara.”** (“Službene novine FBiH” broj 64/09)

Plan zaštite je donesen i nema potrebe da neko individualno donosi bilo kakve odluke mimo Zakona o zaštiti od požara i vatrogastvu (“Službene novine FBiH” broj 64/09 i Plana zaštite od požara Kantona Sarajevo).

## **PLAN ZAŠTITE OD POŽARA KANTONA SARAJEVO**

Broj protokola: 01-04-21378/22

### **2 SISTEM PRIMANJA DOJAVE O POŽARU I UKLJUČIVANJA U AKCIJU GAŠENJA POŽARA VATROGASNIH JEDINICA TE OSTALIH UČESNIKA**

Kanton Sarajevo je kanton sa najvećom požarnom ugroženošću, najvećim brojem stanovnika, najvećim brojem objekata od kulturno historijskog te ostalih objekata drugog značaja u Bosni i Hercegovini. Iako ovaj kanton ima veliku važnost te sve predispozicije da bude zaštićen najadekvatnijim te najsavremenijim sistemima za dojavu požara to u ovom slučaju nije u potpunosti provedeno.

Na cijeloj teritoriji Kantona Sarajevo dojave o požarima se dobijaju uglavnom telefonskim putem na broj 123, gdje dispečer po prijemu poziva te dojave o požaru šalje najbližu vatrogasnu jedinicu na mjesto pojave požara. Jedinice koje se šalju mogu biti profesionalne, dobrovoljne ili kombinacija jednih i drugih, u zavisnosti od tipa te vrste požara, pri dolasku na lokaciju vrši se sagledavanje nastale situacije na lokaciji, procjena situacije, zatim se pravi plan gašenja, izdaju komande za rad i komande za pomoć ako je potrebna. U zavisnosti od veličine požara mogu se angažovati dodatne jedinice iz rezervnog sastava ili neke druge u zavisnosti od organizacije.

## **II AMANDMAN**

**Umanjuju se sredstva sa sljedećih ekonomskih kodova:**

**Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo**

- 614400 YAO002 056F Finansiranje troškova iz segmenta zajedničke i individualne komunalne potrošnje umanjiti sredstva za 1.500.000

**Povećavaju se sredstva na sljedećem ekonomskom kodu:**

- 614400 NOV006 043F Sufinansiranje nabavke energenata povećavaju se sredstva za 1.500.000 KM

### **Obrazloženje:**

Ekonomski kod 614400 "Sufinansiranje nabavke energenta", potrebno je uvećati iznos za 1.500.000 KM. (izvor 10) Obrazloženje: Usvojenim Nacrtom Budžeta za 2025. godinu planirano je 300.000 KM na navedenoj poziciji. Te se ovim putem predlaže povećanje za 1.500.000 KM, odnosno u ukupnom iznosu od 1.800.000 KM. Uprava preduzeća BAGS Energotehnika d.d. Vogošća Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo obratila zahtjevom za obezbjeđenje sredstava iz Budžeta Kantona Sarajevo za 2025. godinu sa namjenom sufinansiranja nabavke energenta u iznosu od 1.800.000 KM kojim će se subvencionirati troškovi energenta za potrebe proizvodnje toplotne energije koja se isporučuje korisnicima daljinskog grijanja u naselju Vogošća. Zahtjev je utemeljen na činjenici da zbog zastarjelosti opreme za proizvodnju i distribuciju toplotne energije nije u mogućnosti u potpunosti izvršiti pokriće troškova proizvodnje i isporuke toplotne energije prihodom od naplate pružene usluge od korisnika u spomenutom naselju.. Prema raspoloživim podacima iz Mišljenja Neovisnog stručnog tijela Vlade Kantona Sarajevo od 08.03.2024. godine ukupni godišnji troškovi proizvodnje i pružanja usluge korisnicima u naselju Vogošća u 2023. godini iznosili su 2.730.069 KM, varijabilni troškovi, koji se odnose na troškove energenta utvrđeni su u iznosu od 1.891.763 KM, a planirani prihod od korisnika usluge u iznosu od 696.443,49 KM. Osiguranjem sredstava u Budžetu Kantona Sarajevo za 2025. godinu trebala bi biti omogućena nesmetana i kontinuirana isporuka toplotne energije korisnicima u naselju Vogošća u toku 2025.godine.

Samostalna zastupnica u Skupštini Kantona Sarajevo

Admela Hodžić 

Sarajevo, 24.03.2025.godine